



መልክኦ : አ.ያቄም :

ወሐና :

አ/ አ/ ፲፱፻፺፩ : ዓ/ ም/

ተስፋ ገብረ ሥላሴ ዘብሐረ ቡልጋ ።

ለመላው : ዓለም : ምዕመናን : የዘለ
ዓለም : የሕይወት : ምግብ : እዘጋጅና :
እከፋፋይ ።

በተስፋ : ማተሚያ : ቤት : ታተመ ።

መንፈሳዊ፡ምክር።

«ኃጢአት ፡ በሚሞተው ፡
 ሰውነታችሁ ፡ ላይ ፡ ሥልጣን
 እንዲኖረውና ፡ ለሥጋ ምቹት
 ተገዥ ፡ እንዲያደርጋችሁ ፡ አት
 ፍቀዱለት ፤ » ሮሜ ፡ ፮ ፡ ፲፪ ።
 ስለዚህ ፡ ከሚመጣው ፡ ክፉ ፡
 ነገር ፡ ሁሉ ፡ ለማምለጥ ፡
 ኃይል ፡ እንዲኖራችሁና ፡
 በሰው ፡ ልጅ ፡ ፊትም ፡ መቆም
 እንድትችሉ ፡ ዘወትር ፡ በዚህ
 መጽሐፈ ፡ ጸሎት ፡ ለመጸለይ
 ትጉ ። ሉቃ ፡ ፳፩ ፡ ፴፯ ።



**መልክአ ፡ አ.ያቄም ፡
 ወሐና ፡**

አ/ አ/ ፲፱፻፺፩ ፡ ዓ/ ም/

ተስፋ ገብረ ሥላሴ ዘብሔረ ቡልጋ ።
 ለመላው ፡ ዓለም ፡ ምዕመናን ፡ የዘለ
 ዓለም ፡ የሕይወት ፡ ምግብ ፡ እዘጋጅና ፡
 እከፋፋይ ።

መንፈሳዊ ፡ ምክር ።

« ኃጢአት ፡ በሚሞተው ፡
ሰውነታችሁ ፡ ላይ ፡ ሥልጣን
እንዲኖረውና ፡ ለሥጋ ምቹት
ተገዥ ፡ እንዲያደርጋችሁ ፡ አት
ፍቀዱለት ፤ » ሮሜ ፡ ፮ ፡ ፲፪ ።
ሰለዘህ ፡ ከሚመጣው ፡ ክፉ ፡
ነገር ፡ ሁሉ ፡ ለማምለጥ ፡
ኃይል ፡ እንዲኖራችሁና ፡
በሰው ፡ ልጅ ፡ ፊትም ፡ መቆም
እንድትችሉ ፡ ዘወትር ፡ በዚህ
መጽሐፈ ፡ ጸሎት ፡ ለመጸለይ
ትጉ ። ሉቃ ፡ ፳፩ ፡ ፴፮ ።



በሰሙ ፡ አብ ፡ ወወልድ ፡ ወመንፈስ ፡
ቅዱስ ፡ ፩ዱ ፡ አምላክ ፡ መራኅተ ፡ ዙሉ
አእምሮ ። እዌጥን ፡ መዝሙረ ፡ ለመልክ
አቲክሙ ፡ በአኅብሮ ። **ኢያቄም ፡ ወሐና ፡**
አንቅዕተ ፡ ሰላም ፡ ወተፋቅሮ ። ከመ ፡
ትምህሩኒ ፡ ለመዝሙረ ፡ ማኅሌት ፡ ምሥ
ጢሮ ። ንሥኡ ፡ መዝሙረ ፡ ወሀቡ ፡ ከበሮ ።
ሰላም ፡ ሰላም ፡ ለለአስማቲክሙ ፡ በደርግ
እስመ ፡ ኅቡራን ፡ አንትሙ ፡ ወዕሡራን ፡
በሕግ ። **ኢያቄም ፡ ወሐና ፡** ምሉዓን ፡ ሰብ
ሐት ፡ አፍላግ ። እስመ ፡ ተጽሕፈ ፡ አስ
ማቲክሙ ፡ በፍጻሜ ፡ ዙሉ ፡ መዓርግ ።
መልዕልተ ፡ ስሞሙ ፡ ለሠለስቱ ፡ የዋሃን ፡
አእሩግ ። **ሰላም ፡** ለሰእርተ ፡ ርእስክሙ ፡
ዘኢይትዌሰን ፡ በፍቅዱ ። አርአያ ፡ ኮከብ ፡
ብዙኅ ፡ ውኅዓ ፡ ባሕር ፡ ፍድፋድ ። **ኢያ**
ቄም ፡ ወሐና ፡ ከልኤቱ ፡ አዕማድ ። ብክሙ
ጸንዓ ፡ ዘለዓለም ፡ አሚኒ ፡ **ሥላሴ ፡** ማኅ
ፈድ ። **ኢያንቀልቅልዎ ፡** ለሕንፃሁ ፡ ነፋ
ሳት ፡ አይሁድ ። **ሰላም ፡** ለሥነ ፡ ሰእርት

ከሙ፡ **ዘእግዚአብሔር** ፡ ፈተም ። እስከ
 ፈቀደ ፡ ወአጥብቦ ፡ ውስተ ፡ ሥጋክሙ፡
 ተሠግዎ ። **ኢያቂም ፡ ወሐና ፡** ምክንያተ
 ድኅን ፡ ወተቤዝዎ ። ጽድቅክሙ ፡ ሕይ
 ወተ ፡ ዠሉ ፡ ለሙተትየ ፡ ያሕይዎ ። ወለ
 ጌጋይየ ፡ ከሙ ፡ ሰምዕ ፡ ይምስዎ ። **ሰላም ፡**
 ለአርእስቲክሙ ፡ እለ ፡ አፈድፈዱ ፡ ክብረ
 እምአርእስተ ፡ አርባዕ ፡ እንስሳ ፡ እለ ፡ ይፀ
 ውሩ ፡ መንበረ ። **ኢያቂም ፡ ወሐና ፡** ዘወ
 ለድክሙ ፡ መዓረ ። ያበርህ ፡ ማኅቶትክሙ ፡
 ዓይነ ፡ ልብ ፡ ዕውረ ። ከሙ ፡ አዕይንተ ፡
 ለዕውር ፡ ፈጠረ ። **ሰላም ፡** ለገጽቲክሙ ፡
 ዘአፈድፈዱ ፡ ውዳሴ ። እምስብሐተ ፡ ገጹ ፡
 ለሙሴ ። **ኢያቂም ፡ ወሐና ፡** ትምክህተ ፡
 ኤፍሬም ፡ ወምናሴ ። ለዕበይክሙ ፡ ዘተ
 ሣተፈ ፡ ዕበየ ፡ ቅድስት **ሥላሴ** ። ይሰግድ ፡
 ፀሐይ ፡ ወይገኒ ፡ ብናሴ ። **ሰላም ፡** ለቀራ
 ንብቲክሙ ፡ እለ ፡ ቀጸባ ፡ ቃለ ፡ ቀዳማዊ
 እምሥጋክሙ ፡ ከሙ ፡ ይትቀባዕ ፡ ሥጋዊ
ኢያቂም ፡ ወሐና ፡ ሱቱፋነ ፡ ሕይወት ፡

ወህላዌ ። ፈውሱኒ ፡ እምሕማምየ ፡ እስመ
 አቀሰለኒ ፡ አርዌ ። ዲበ ፡ ሥጋ ፡ ዠሉሙ ፡
 ሰብእ ፡ ዘፈጠረ ፡ ደዌ ። **ሰላም ፡** ለአዕይ
 ንቲክሙ ፡ ዘአብርሆን ፡ መንፈስ ፡ ቅዱስ ።
 እንተ ፡ ውሳጤሆን ፡ ተርእያ ፡ አዕይንተ
 እግዚእ ፡ **ክርስቶስ ። ኢያቂም ፡ ወሐና ፡**
 ቅብዕ ፡ ቤተ ፡ ክህነት ፡ ወንግሥ ። ያሕ
 ይወኒ ፡ መዓዛክሙ ፡ መፈውሰ ፡ ሥጋ ፡
 ወነፍስ ። እስመ ፡ ቀሰለ ፡ ጌጋይ ፡ መል
 ዓኒ ፡ እስከ ፡ እግር ፡ እምርእስ ። **ሰላም ፡**
 ለአእዛኒክሙ ፡ ምሥጢረ ፡ ፍሥሐ ፡ እለ ፡
 ተበሥራ ። ውስተ ፡ እዝነ ፡ አበው ፡ ቀደ
 ምት ፡ ዘኢተሰምዐ ፡ ግሙራ ። **ኢያቂም ፡**
ወሐና ፡ ኬነውተ ፡ ሐዳስ ፡ ደብተራ ። ባስ
 ልኤል ፡ ወኤልያብ ፡ ዘኢያእመሩ ፡ ነገራ ፡
 በባሕቲትክሙ ፡ ተፈጸመ ፡ ግብራ ። **ሰላም ፡**
 ለመላትሒክሙ ፡ እለ ፡ ፈረያ ፡ አፈወ ።
ማርያም ፡ መዓዛ ፡ መለኮት ፡ ቅድወ ። **ኢያ**
ቂም ፡ ወሐና ፡ ዘትትሚሰሉ ፡ መጸወ ።
 ጽጌክሙ ፡ ሕይወተ ፡ ዠሉ ፡ ሰበ ፡ ለሙ

ታን ፡ ያነወ ። ተንሥእት ፡ ሔዋን ፡ ወአ
 ዳም ፡ ሐይወ ። **ሰላም** ፡ ለአእናፊክሙ ፡
 እለ ፡ ዲቤሆን ፡ ተኃሳ ። ለእመ ፡ መለ
 ኮት ፡ ንጽሕት ፡ መዓዛ ፡ ሥጋሃ ፡ ወነፍሳ።
ኢያቂም ፡ ወሐና ፡ ግበበ ፡ ግሩም ፡ እን
 በሳ ። በሱባኤ ፡ ነቢይ ፡ ዓሥር ፡ ወበተ
 ውሳኮን ፡ ስሳ ። እንተ ፡ ዲቤክሙ ፡ ተሐ
 ትመ ፡ አበሳ ። **ሰላም** ፡ ዕብል ፡ ለከናፍሪ
 ክሙ ፡ ፍሠሐት ። ምሉዓን ፡ ፍጹም ፡ ስብ
 ሐት ። **ኢያቂም ፡ ወሐና ፡** ደቂቀ ፡ ሌዊ
 ወዳዊት ። ዘእምኔክሙ ፡ ይነቅዕ ፡ ክህነት፡
 ወእምኅቤክሙ ፡ ይትቀዳሕ ፡ መንግሥት ፡
ሰላም ፡ ለአፋክሙ ፡ እንተ ፡ ተመልዓ ፡
 ሰሐቀ ። ብሥራተ ፡ መልአክ ፡ ለክሙ ፡
 ጊዜ ፡ ተጠየቀ ። **ኢያቂም ፡ ወሐና ፡** እንዘ
 ትትጊበሩ ፡ ጽድቀ ። መሀሩኒ ፡ ተግባረ
 ክሙ ፡ ዘያነቅሐኒ ፡ ሕቀ ። እስመ ፡ ዘመ
 ንዩ ፡ በሐኬት ፡ ኃልቀ ። **ሰላም** ፡ ለአስና
 ኒክሙ ፡ ዘበእንተአሆን ፡ ተጸርዓ ። እምስነነ
 አበው ፡ ጽርስ ፡ እለ ፡ በልዑ ፡ ቆዐ ። **ኢያ**

ቂም ፡ ወሐና ዘፈረይክሙ ፡ ምሥዋዐ። በቀ
 ርባንክሙ ፡ መለኮታዊ ፡ እንተ ፡ ተዋሐደ ፡
 ሰብአ ። ተሐትመ ፡ ሞት ፡ ወሰይጣን ፡
 ተሞዐ ። **ሰላም** ፡ ለልሳናቲክሙ ፡ እለ ፡ ይት
 ፈሥሐ ፡ ኅቡረ ። በጽድቀ ፡ **ማርያም** ፡
 እግዝእት ፡ እንተ ፡ አልባቲ ፡ መንጸረ ።
ኢያቂም ፡ ወሐና ፡ ናዐብክሙ ፡ ወትረ ።
 እስመ ፡ መልዐ ፡ ስብሐቲክሙ ፡ ሰማየ ፡
 ወምድረ ። እስከ ፡ እምልሳንዩ ፡ የኃብዕ ፡
 ነገረ ። **ሰላም** ፡ ለቃላቲክሙ ፡ እለ ፡ ዐርጋ ፡
 ለጸሎት ። ዘኮኖን ፡ ምስማዐ ፡ እዝነ ፡ ጸባ
 ያት ። **ኢያቂም ፡ ወሐና ፡** እዝማደ ፡ **ማር**
ያም ፡ እግዝእት ። ዘፍናዊሃ ፡ ካልእ ፡ እም
 ፍናወ ፡ ዙሎን ፡ አንሰት ። ገነት ፡ ዕፁት ፡
 ዐዘቅት ፡ ኅትምት ። **ሰላም** ፡ ለእስትንፋ
 ስክሙ ፡ ፍድፋደ ፡ ጥዲና ፡ ወሣህል ።
 እለ ፡ ነፋሳት ፡ እርባዕቱ ፡ እለ ፡ ማዕከል።
ኢያቂም ፡ ወሐና ፡ መሠረተ ፡ ቅዱስ ፡ ወን
 ጌል ። ዘዘዚአሁ ፡ እርኢያ ፡ ወዘዘዚአሁ ፡
 እምሳል ። በባሕቲትክሙ ፡ ተፈጸመ ፡

ባሕል ። ሰላም ፡ ለጉርዒክሙ ፡ እለ ፡
 ጣዕመ ፡ እስተሐወዛ ። ለንባብ ፡ ክርስቶስ ፡
 ፍትው ፡ እምነ ፡ ኰሉ ፡ መዓዛ ። ኢያሄም
 ወሐና ፡ ኃዋሳው ፡ ሰማይ ፡ ሎዛ ። እንተ ፡
 ወረደ ፡ ዲቤክሙ ፡ ከመ ፡ ይኩን ፡ ቤዛ ።
 እምላክ ፡ ጎሬ ፡ ያዕቆብ ፡ ወሬዛ ። ሰላም ፡
 ለክሣውዲክሙ ፡ እለ ፡ ደኒነ ፡ አርአያ ።
 ለአርዑት ፡ ክቡድ ፡ ከመ ፡ ይትቀነያ ።
 ኢያሄም ፡ ወሐና ፡ በረከተ ፡ ማሳፀን ፡
 ዘልያ ። ለሥነ ፡ ክሣድክሙ ፡ አርማስቆስ ፡
 ግብረ ፡ እደ ፡ ክርስቶስ ፡ ኬንያ ። አልቦን ፡
 እምሳል ፡ ወአልቦን ፡ አርአያ ። ሰላም ፡
 ለመታክፍቲክሙ ፡ እለ ፡ ጸዊረ ፡ ክህላ ።
 መንበረ ፡ ሥጋሃ ፡ ለድንግል ፡ ዘትትሌ
 ዓል ፡ እምሥረገላ ። ኢያሄም ፡ ወሐና ፡
 አዕማደ ፡ ኪዳን ፡ ወመሐላ ። ለዕበይክሙ ፡
 ዕበየ ፡ ፍግዓ ፡ ወተድላ ። ይሰግድ ፡ ፀሐይ ፡
 ወይገኒ ፡ ዕብላ ። ሰላም ፡ ለዘባንክሙ ፡ ዘያ
 ሢንይዋ ፡ ወይቄድሰዋ ። እምዘባነ ፡ ኪሩብ
 ዓይነ ፡ እለ ፡ ተሠርገዋ ። ኢያሄም ፡ ወሐና

እምሳላተ ፡ አዳም ፡ ወሐዋ ። ብክሙ ፡
 ፍጥረትነ ፡ እንተ ፡ ተሐደሰ ፡ ነዋ ። ለመ
 ልአከ ፡ ሞት ፡ ድኅረ ፡ ኮነ ፡ ዒዋ ። ሰላም ፡
 ለእንግድዓቲክሙ ፡ አርአያ ፡ ክልኤ ፡ ድን
 ባዝ ። እለ ፡ ይጸውሩ ፡ ታቦተ ፡ ትእዛዝ።
 ኢያሄም ፡ ወሐና ፡ አዕፃዳተ ፡ ገነት ፡
 ሐዋዝ ። እስመ ፡ ተረክበ ፡ ዲቤክሙ ፡
 ለኑዛዜ ፡ ኰሉ ፡ ትኩዝ ። ፍሬ ፡ ገዑም ፡
 ወጽጌ ፡ ምዑዝ ። ሰላም ፡ ለሕፅንክሙ ፡
 ዘኮነ ፡ ምርፋቀህ ውስተ ፡ ሕፀኒሃ ፡ ድኩም
 ለዘአርፈቀት ፡ መብረቀ ። ኢያሄም ፡ ወሐና ፡
 ናፈቅረክሙ ፡ ጥቀ ። እስመ ፡ እምጎቤክሙ
 አእመርነ ፡ ጽድቀ ። ከመ ፡ እምኦሪት ፡
 ኃጢአት ፡ ተዐውቀ ። ሰላም ፡ ለአእዳዊ
 ክሙ ፡ እለ ፡ ተውህቦን ፡ ጸጋ ። ከመ ፡ ይፀራ ፡
 ጥቁ ፡ ጸዋሪተ ፡ እምላክ ፡ በሥጋ ። ኢያ
 ሄም ፡ ወሐና ፡ ምሉዓነ ፡ ስብሐት ፡
 እንበለ ፡ ንትጋ ። ጽድቅክሙ ፡ መዐ
 ርገ ፡ ኰሉ ፡ ለሕይወትየ ፡ ያዕርጋ ።
 እስመ ፡ ትንታኔ ፡ ወወዲቅ ፡ ሕጋ ።

ሰላም : ለመዛርዳክሙ : ልዑላን : ዕበይ
 ወዝክር : እመገራዕተ : መሴ : ዕውር
 በእደ : አሮን : ወሐር : **ኢያቂም : ወሐና**
 መናብርተ : ዓባይ : መንበር : ለሰብሐ
 ቲክሙ : ዘመልዕልተ : ዙሉ : ነገር :
 ይሰግድ : ሰማይ : ወትገኒ : ምድር :
ሰላም : ለክርናዓቲክሙ : መግደርተ :
 ክርናዕ : ወእድ : ዝርዋተ : ዐሠርቱ : አዕ
 ግድ : **ኢያቂም : ወሐና** : አዕፁቀ : ክልኤ
 አጉናድ : ለአስካልክሙ : በዕለተ : ሦዖ
 ፈቃድ : አድለቅለቀት : ምድር : ወኮን :
 ረዓድ : **ሰላም** : ለእመታቲክሙ : እለ :
 አገበራ : ሥርዓተ : ምሰለ : ክንፈ : ጀኤ
 ኪሩብ : እለ : ይጼልሉ : ታቦተ : **ኢያ**
ቂም : ወሐና : ዘወለድክሙ : ሕይወተ :
 በዕብሬትክሙ : መቃብረ : ዓለም : ተከ
 ሥተ : እስከን : መታን : ተንሥኡ :
 ወቦኡ : ገነተ : **ሰላም** : ለእራጋቲክሙ
 አምሳላተ : ተቅዋም : ዘወርቅ : ወለኦ
 ጸብዒክሙ : ካዕበ : አርአያ : ሰብአቱ :

አዕጹቅ : **ኢያቂም : ወሐና** : አ : ቅዕተ
 ሰላም : ወዕርቅ : ግበሩ : ሰላም : ማዕ
 ከሌየ : ወማዕከሌሃ : ለጽድቀ : እስመ :
 አለውክዋ : እምዘመን : ርኅቅ : **ሰላም** :
 ለአጽፋሪክሙ : እለ : ተቀብዐ : ሲራየ :
 እምሥነ : መንፈስ : ቅዱስ : ዘአልቦ :
 አያየ : **ኢያቂም : ወሐና** : ዘትትሚሰሉ
 ሰማየ : ዘታበርህ : አጽናፈ : ምድር : ወዘ
 ታዋኪ : ቀላየ : እስመ : ወረድክሙ :
 አሐተ : ፀሐየ : **ሰላም** : ለአጥባትኪ :
 እግዝእትየ : **ሐና** : ሐፃኒተ : ልዑል :
 እለ : ሐፀና : ለኪ : ሰብሐት : ወለኪ :
 ልዕልና : ለዕበይኪ : እኮ : መጠና :
 ዕበየ : ዙሎን : እንሰት : አሐተ : ዘኮና :
ሰላም : ለገበዋቲክሙ : ከመ : ቀደማ :
 ተጥብቦ : ዘፈረያ : ጽድቀ : ዘሐመልማለ
 ወርቅ : ሥርጉተ : ገቦ : **ኢያቂም : ወሐና**
 ምሉዓን : ሰብሐት : እምተናብቦ : አልቦ
 አልቦ : እምነ : ፍጡራን : አልቦ : ከማ
 ክሙ : ጸጋ : ዘተውህቦ : **ሰላም** : ለከርሥ :

ክመ : አምሳላተ : ዳቤር : ዘትካት ።
 ማኅደረ : ቅድስት : ታቦት : እንተ :
 ውስቴታ : አሪት ። **ኢያቂም : ወሐና :**
 ላእካን : ሐዲስ : ሕይወት ። እስመ : ተሐ
 ደስ : ብክመ : ፍጥረት ። ድኅረ : ፍጥ
 ረተን : አማሰን : ሞት ። **ሰላም :** ለአል
 ባቢክመ : እለ : ኢይትፈለጡ : ግዕዝ ።
 ተዋሕዶቶመ : ዘመንፈስ : ቅዱስ : አኅዘ
ኢያቂም : ወሐና : ዘትለብሱ : እዘዘ ።
 ቅብዑኒ : ፈውሰ : ትንባሌ : ዘያለስሕ :
 ጎምዘ ። እስመ : ልብዩ : በኩናት : ተረ
 ግዘ ። **ሰላም :** ለዙፊያቲክመ : እለ : ያነ
 ጽሑ : ወይቂድሱ ። እምዙፊያተ : በግዕ
 መሥዋዕት : ዘካህናተ : አሪት : አጤሱ ።
ኢያቂም : ወሐና : ለክርስቶስ : አንቅ
 ዕተ : ነፍሱ ። ርቱዓ : መንፈስክመ :
 ውስተ : ልብዩ : ሐድሱ ። እስመ : አብ
 ለየኒ : ለዓለም : ርዙፍ ። **ሰላም :** ለኅ
 ሊናቲክመ : ዘኢለከፎን : ግመራ ።
 ዘኅሊናሆመ : ጊጋይ : ለአርእስተ :

አበው : እሥራ ። **ኢያቂም : ወሐና :**
 ተስፋ : አብርሃም : ወሳራ ። ዘተሰባሕ
 ክመ : በውስተ : ንእስት : ደብተራ ።
 አመ : ተገፍትዓት : ሰዶም : ወውዕየት
 ገሞራ ። **ሰላም :** ለአማውቲክመ : እር
 አያ : ውሳጢት : መካን ። እንተ : ትሰ
 መይ : ቅድስተ : ቅዱሳን ። **ኢያቂም :**
ወሐና : አዕፁቀ : አበው : ጸድቃን ።
 እምሥረዊክመ : ጊዜ : ተቀስመ : ቍር
 ባን ። መታን : ተንሥኡ : ወሞተ : ሰይ
 ጣን ። **ሰላም :** ለንዋየ : ውስጥክመ : ዘኮነ
 መንጸፈ ። ለታቦተ : ባሕርይ : ንጽሕት :
 እንተ : ትፀውር : መጽሐፈ ። **ኢያቂም :**
ወሐና : ናዐብዩክመ : ዘልፈ ። ብዝኃ
 ዕበይክመ : እምዕበዩ : ዙሉ : ዘተርፈ ።
 ኅሊና : ያፀብስ : ወያደክም : አፈ ። **ሰላም**
 ለሕንብርትክመ : ማዕከለ : አእጋር :
 ወርእስ ። ማኅተመ : ትእምርት : ዘቦቱ
 እንተ : ይሂሉ : በከርሥ ። **ኢያቂም : ወሐና**
 አናቅጽ : ዘመን : ሐዲስ ። ዘተኪሥቱ :

እምሳቢክሙ : ለውሉደ : ሥጋ : ወንፍስ
አብ : **ወወልደ** : **ወመንፈስ** : **ቅዱስ**
ሰላም : ለማገፀንኪ : ዘመጠነ : ግብሩ :
 ፍሉጥ = እማገፀን : ሣራ : ወርብቃ :
 ወኤልሣቤጥ = እግዝእትዮ : **ሐና** : ቅድ
 ስተ : አፍአ : ወውስጥ = አድህንኒ : እም
 ኃጢአት : እንተ : ላዕለ : ዙሉ : ሥሉጥ =
 እምድምሳቤሃ : ለሰዶም : ከመ : ድህነ
 ሎጥ = **ሰላም** ለሐቋክሙ : እለ : ጎቡረ
 ተዐሥሩ = በሐብለ : ሰብሳብ : ጽኑዕ :
 እንተ : ኢይትፈታሕ : ቀፅሩ = **ኢያቂም** :
ወሐና : ደባትረ : ቃላት : ዓሥሩ = እስከ
 ለዓለም : ዘኢይትረግዕ : ዝክሩ = ምሕ
 ረተ : ወፍትሐ : ምስሌየ : ግበሩ = **ሰላም**
 ለአቀዳጺክሙ : እለ : በጸጋ : ተልዕሎ =
 እምነ : ነፋሳት : አርባዕ : ዘሰማያተ :
 ሰቀሉ = ኢያቂም : ወሐና : አጋእዝተ :
 ፍጥረት : ዙሉ = ሰብሐት : ወክብር :
 ለዕበይክሙ : ይደሉ = እምአፈ : ዙሉ
 ፍጥረት : ዘታሕቱ : ወላዕሉ = **ሰላም** :

ለአብራኪክሙ : ዕረተ : ሰጊድ : ዘተጸ
 ገዋ = **ማርያም** : ፍካሬ : ሰማ : ለሐዋ =
 ኢያቂም : ወሐና : ኃይለ : መያጢሆሙ
 ለሕዝበ : ዌዋ = ለአብራኪክሙ : እምኃ
 ሰጊድ : ያእትዋ = አብራክ : ዕዑራን :
 ሰብእ : እምድካም : ሐይዋ = ሰላም
 ለአእጋሪክሙ : አርአያ : አርባዕ : ጽብን =
 እሙንቱ : ኣእጋሪሃ : ለታቦተ : እሪት :
 ኪዳን = **ኢያቂም** : **ወሐና** : አናቅጸ :
 ሐዲሳ : ዘመን = ኩኑኒ : ቅጽረ : እም
 ጸላእትዮ : ብዙኃ : ጉሕሉት : ወሚን =
 ከመ : መዝገብየ : አይሰረቅ : በኪን =
ሰላም : ለሰኳንዊክሙ : እለ : ግሙራ
 ኢድህፃ = እምፍንዋተ : ቃላት : ዓሥር
 ዘአእዳወ : እምላክ : ቀረፃ = **ኢያቂም** :
ወሐና : ብዝኃ : ጌሩትነ : እምነ : ፍፃ =
 ምልሐ : ኃጢአተ : ወጸሕይዩ : ዐመፃ =
 እስመ : በልብየ : ከመ : ሣእር : ሠረፃ =
ሰላም : ለመከየድክሙ : እንበለ : ነቀል
 ቃል : ዘጸንዐ = በፍኖተ : ሥርዓት :

ወሕግ : ዘእእዳወ : መጽሐፍ : ቀጽዐ ።
ኢያቂም : ወሐና : ዘፈረይከሙ : ስንዐ ።
 ውኒዘ : ሰላም : እምኔከሙ : ዘነቅዐ ።
 ለእሳተ : ሐከከ : ንደቶ : አጥፍዐ ።
ሰላም : ለአጸብዒከሙ : ለጉንደ : መከ
 የድ : አዕጹቁ ። ወለአጽፋሪከሙ : ጽጌ
 እለ : ኅቡረ : ተላጸቁ ። **ኢያቂም : ወሐና :**
 መገብተ : ጽድቁ ። መጽውቱኒ : ንዋየ :
 ጽድቅ : ወአብዕሉኒ : በሐቁ ። እስመ :
 ንዋይየ : ኃያላን : ሠረቁ ። **ሰላም :** ለቆ
 ምክሙ : አዕዋመ : ገነት : ኅሬ ። እንተ :
 ያርከሙ : ፈጣሬ ። **ኢያቂም : ወሐና :**
 ሠናያን : ትድምርት : ወኑባሬ ። አብሐኒ
 አጋእዝትየ : እስመ : እፈቱ : ኑባሬ ።
 ታሕተ : ጽላሎትከሙ : ሐመልማል :
 ዘአልቦ : ኡባሬ ። **ሰላም :** ለመልክአቲ
 ከሙ : በኪነ : ሰብሳብ : ዘተዋደዱ ።
 እንዘ : አሐዱ : አንትሙ : ወእንዘ : ክል
 ኤቱ : አሐዱ ። **ኢያቂም : ወሐና :** ለአ
 ምላከ : ሰማይ : አዝማዱ ። ቤተ : ነፍ

ሳቲክሙ : ከመ : ነፍሰየ : ትሰዱ ።
 በጊዜ : ሞትየ : እምሰማይ : ራዱ ።
ሰላም : ለነፍሳቲክሙ : እለ : እምሥጋ
 ፈለሳ ። ከመ : በሰማያት : ይንግሣ ።
ኢያቂም : ወሐና : ብርሃናት : ዘደወለ :
 ምሕሳ ። በረከተ : ሥጋክሙ : ወነፍሰ
 ከሙ : ዘኢይበጽሐ : ኅሠሣ ። ለነፍሰ :
 ዚአየ : አንብሩ : በርእሳ ። **ሰላም :** ለአ
 ብድንቲክሙ : እለ : ተዘርዑ : ከመ :
 ሥርናይ ። ቀዳምያተ : እክል : ይዕርፋ
 አመ : ዕለተ : ማዕረር : ዓባይ ። **ኢያ**
ቂም : ወሐና : አዕማደ : ሐዲስ : ሰማይ ።
 ለእለ : አዖሮሙ : ወደፈኖሙ : ጌጋይ ።
 ዘእምኔከሙ : ሠረቀ : ፀሐይ ። **ሰላም :**
 ለግንዘትከሙ : በልብሰ : ገርዜን : ቅድው
 ከመ : ሥርዓቶሙ : ወሕጎሙ : ለአብድ
 ንተ : ቀደምት : አበው ። **ኢያቂም :**
ወሐና : አብያተ : አፈው ። ይምጽአኒ :
 እምኅቤከሙ : ኑዛዜ : ፍትው ። እስመ
 ፈድፈዶ : በልብየ : ሰቆቃው : ህልው ።

ሰላም ፡ ዕብል ፡ ለመቃብሪክሙ ፡ ካዕበ ።
 ንዋየ ፡ አዕምክሙ ፡ ባሕርይ ፡ እንተ ፡
 በውስቴቱ ፡ ተዘግበ ። **ኢያቄም ፡ ወሐና ፡**
 ዘፈረይክሙ ፡ ጥበበ ። ጥበብሰ ፡ ኢያስተ
 ምህር ፡ ሐሳበ ። በሰማይ ፡ እመ ፡ ወበ
 ምድር ፡ አበ ። **ናህ ፡** አብጸሕኩ ፡ ውዳ
 ሴክሙ ፡ ጥንቁቀ ። አምጣነ ፡ ልብዩ ፡
 ጽሕቀ ። **ኢያቄም ፡ ወሐና ፡** እንዘ ፡
 ትትፌሥሐ ፡ ሕቀ ። ስቅዩኒ ፡ ህየንተ ፡
 አሰብ ፡ በረከተክሙ ፡ ጽድቀ ። ዘያረዌ
 ሥርወ ፡ ወያጠልል ፡ አጽቀ ። **አ ፡ አም**
ላከ ፡ ኢያቄም ፡ ወሐና ፡ ዕቀበኒ ፡ ወአ
 ድጎነኒ ፡ እመከራ ፡ ሥራ ፡ ወነፍሰ ፡
 ለ..... ወለኩልነ ፡ ውሉደ ፡ ጥምቀት
 ለዓለመ ፡ ዓለም ፡ አሚን ።

አምላካችን ፡ ሆይ ፤ የሰላም ፡ ንጉሥ ፡ እንደ
 መሆንህ ፡ ሁሉ ፡ ሰላምህን ፡ ትሰጠን ፡ ዘንድ
 እንለምንሃለን ። ሁሉን ፡ ሰጥተኸናልና ፡ አቤቱ
 ፍጹም ፡ ወገኖቻህ ፡ አድርገን ፡ እንጂ ፡ ገለል
 ተኞች ፡ አታድርጥን ፡ አቤቱ ፡ ለሀገራችን ፡ ለኢ
 ትዮጵያ ፡ ሃይማኖትን ፡ በማያሰለውጥ ፡ እንደ
 ነትን ፡ በማያናውጥ ፡ ሁኔታ ፡ የሰልጣኔን
 በር ፡ ክፈትላት ፡ አቤቱ ፡ ቅዱስ ፡ ስምህን
 እንጠራለንና ፡ ከፍ ፡ ከፍ ፡ አድርገን ፡ እንጂ
 ከክብር ፡ አታሳንሰን ። ዘመን ፡ የማይለውጠ
 ውን ፡ ጊዜ ፡ የማይሸረውን ፡ ሰላምህን ፡ በሁ
 ላችን ፡ ልቡና ፡ ቅረጽ ። አቤቱ ፡ እንደ ፡ በደላ
 ችን ፡ ሳይሆን ፡ እንደቸርነትህ ፡ ይቅርታህ
 ይደረግልን ፡ በዚህ ፡ መጽሐፈ ፡ ጸሎት ፡ የጸ
 ለይነውን ፡ ጸሎት ፡ ውስተ ፡ ኑሯ ፡ ሰማይ
 አሳርግልን ፡ ሰላምህንም ፡ አብዛልን ፡ ለዘላ
 ዓለሙ ፡ አሚን ።

ጸሎት ፡ በእንተ ፡ ሀገር ።

እመቤታችን ፡ ድንግል ፡ ማርያም ፡ ሆይ
እኛን ፡ ወገኖቹን ፡ ከፍዳና ፡ ከመርገም ፡
ለማዳን ፡ አካላዊ ፡ ቃል ፡ አያሱሰ ፡ ክር
ስቶስ ፡ ከሥጋሽ ፡ ሥጋ ፡ ከነፍሰሽ ፡ ነፍስ
ነሥቶ ፡ ሰው ፡ ሆነ ፤ በሆነም ፡ ጊዜ ፡
ሄሮድስ ፡ የመንግሥቱ ፡ ተቀናቃኝ ፡ ተነ
ሣብኝ ፡ በማለት ፡ ሊገድለው ፡ በተነሣ
በት ፡ ወቅት ፡ በሰደት ፡ ወደ ፡ ኢትዮ
ጵያ ፡ መጥተሽ ፡ ከምሥራቅ ፡ ወደ ፡
ምዕራብ ፡ ከሰሜን ፡ ወደ ፡ ደቡብ ፡ በም
ትዘዋወሩበት ፡ ጊዜ ፡ የኢትዮጵያ ፡ ሕዝብ
መልካም ፡ አቀባበል ፡ እንዳደረገልሽና ፡
በዚህም ፡ የተነሣ ፡ ኢትዮጵያን ፡ ዓሥራት
አድርጎ ፡ እንደሰጠሽ ፡ እንገነዘባለን ፤
ተስፋችንም ፡ በአንቺ ፡ ላይ ፡ እጅግ ፡
የጸና ፡ ነው ፤ ስለሆነም ፡ አገራችን ፡ ኢት
ዮጵያን ፡ በሰላምና ፡ በበረከት ፡ እንዲጠ
ብቃት ፡ እኛን ፡ ወገኖቻችንም ፡ ከረሃብ
ከበሽታ ፡ ከመርነት ፡ እንዲሠውረን ፡
ሰአሊ ፡ ለነ ፡ ቅድስት ፡ እያልን ፡ የምና
ሳስብሽን ፡ ማሳሰብ ፡ ወደ ፡ ልጅሽ ፡ አሳ
ስቢልን ፡ ለዘለዓለሙ ፡ አሜን ።



Brought to you
by

www.binyaminhk.com

wordpress.com